



Universiteit van Pretoria Jaarboek 2018

PGDip Handterapie (10220012)

Minimum duur van studie 1 jaar

Totale krediete 120

Programinligting

Die program strek oor een akademiese jaar en word in vier blokke aangebied. (Die aantal blokke en duur kan na oorlegpleging tussen die dosente en studente aangepas word.)

Let wel: Aangesien die program elke tweede jaar aangebied word, moet die aanvang van studie in oorleg met die departementshoof uitgeklaar word.

Toelatingsvereistes

- Behoudens die bepalings van die Algemene Regulasies is die BArb-graad of 'n gelykwaardige kwalifikasie of die BPhysT-graad of 'n gelykwaardige kwalifikasie asook registrasie as arbeidsterapeut/fisioterapeut by die Raad vir Gesondheidsberoepes van Suid-Afrika 'n vereiste.
- 'n Student moet ten minste 'n deelydse pos tydens studie beklee wat deur die Departementshoof as toepaslik vir die betrokke studierigting beskou word.

Eksamens en slaagvereistes

(i) Slaagvereistes

In die geval van 'n skriftelike en mondelinge/praktiese eksamen word 'n subminimum van 50% in elk van die skriftelike en mondelinge/praktiese gedeeltes van die eksamen vereis, met 'n finale punt (deurlopende evalueringpunt en eksamenpunt) van minstens 50% om in die betrokke module te kan slaag.

(ii) Eksamentoelating

Voorafgaande tot die eksamen moet studente alle praktika bywoon en alle opdragte indien om toelating tot die eksamen te kry.

(iii) Tweede eksamengeleentheid

Die datum van aflegging van enige tweede eksamens wat verleen is, word in oorleg met die departementshoof gereël: Met dien verstande dat dit nie later as die volgende eksamenperiode sal plaasvind nie.

Slaag met lof

Die diploma word met lof uitgereik aan 'n student wat minstens 75% in (ADM) Gevorderde kliniese hantering in handterapie 701, en 'n gemiddelde van minstens 75% in die ander modules behaal het.



Kurrikulum: Finale jaar

Minimum krediete: 120

Kernmodules

Anatomie 702 (AAN 702)

Modulekrediete	10.00
Voorvereistes	Geen voorvereistes.
Kontaktyd	1 besprekingsklas per week, 3 lesings per week, 1 ppraktiese sessie per week
Onderrigtaal	Module word in Engels aangebied
Departement	Anatomie
Aanbiedingstydperk	Jaar

Module-inhoud

Volledige samevatting van alle Anatomiemodules op nagraadse vlak is gepubliseer in die Studiehandleiding vir Nagraadse Anatomiekursusse wat op aanvraag by die Departement Anatomie beskikbaar is.

Gevorderde kliniese hantering in handterapie702 (ADM 702)

Modulekrediete	50.00
Voorvereistes	Geen voorvereistes.
Onderrigtaal	Module word in Engels aangebied
Departement	Arbeidsterapie
Aanbiedingstydperk	Jaar

Module-inhoud

Gevorderde studie van handbeserings en -toestande en die hantering daarvan. Die ontwerp en toepassing van behandelingsprogramme in kliniese praktyk. Studie en toepassing van evaluasiemetodes en -instrumente.

Biomeganika en ergonomie 702 (BEX 702)

Modulekrediete	10.00
Voorvereistes	Geen voorvereistes.
Kontaktyd	1 praktiese sessie per week, 14 lesings per week
Onderrigtaal	Module word in Engels aangebied
Departement	Arbeidsterapie
Aanbiedingstydperk	Jaar

Module-inhoud

Biomeganika van die boonste ledemaat en versteuring daarvan; die biomeganika van spalke. Omgewingsfaktore wat effektiewe postuur en handgrepe verseker; verhouding tussen die mens en sy omgewing; versteuring van hierdie verhouding.



Fisiologie en patofisiologie 702 (FIP 702)

Modulekrediete	10.00
Voorvereistes	Geen voorvereistes.
Kontaktyd	1 lesing per week
Onderrigtaal	Module word in Engels aangebied
Departement	Fisiologie
Aanbiedingstydperk	Jaar

Module-inhoud

Fisiologie van die integrasie van handfunksie; breinplastisiteit; pyn. Regenerasie van vel, been-, spier- en senuweeweefsel; infeksie; inflammasie.

Kliniese vaardighede in handterapie 702 (KVH 702)

Modulekrediete	40.00
Voorvereistes	Geen voorvereistes.
Kontaktyd	12 praktiese sessies per week
Onderrigtaal	Module word in Engels aangebied
Departement	Arbeidsterapie
Aanbiedingstydperk	Jaar

Module-inhoud

*Hierdie inligting is slegs in Engels beskikbaar.

Study and application of:

- evaluation methods and instruments for hand and upper limb injuries
- current techniques in hand therapy.

Die inligting wat hier verskyn, is onderhewig aan verandering en kan na die publikasie van hierdie inligting gewysig word.. Die [Algemene Regulasies \(G Regulasies\)](#) is op alle fakulteite van die Universiteit van Pretoria van toepassing. Dit word vereis dat elke student volkome vertrouwd met hierdie regulasies sowel as met die inligting vervat in die [Algemene Reëls](#) sal wees. Onkunde betreffende hierdie regulasies en reëls sal nie as 'n verskoning by oortreding daarvan aangebied kan word nie.